



**Resolución do 8 de outubro da Dirección Xeral de Educación, Formación Profesional e Innovación Educativa pola que se convoca o programa Lanzadeiras Coruña para o desenvolvemento de proxectos de miniempresas educativas en centros públicos dependentes da Consellería de Educación, Universidade e Formación Profesional na comarca da Coruña durante o curso escolar 2018/2019.**

O programa Lanzadeiras Coruña desenvólvese dentro do plan Emprendemento no Sistema Educativo de Galicia, **eduemprende** que supón unha aposta clara e firme pola implantación na comunidade educativa nos niveis non universitarios da cultura emprendedora. O plan **eduemprende** constitúese como o marco onde coordinar as sinerxías en materia emprendedora que actúen sobre o sistema educativo, ordenando e planificando a súa aplicación. O obxectivo global deste plan é lograr un avance sensible na cultura do emprendemento no noso alumnado e propor instrumentos que permitan coñecer os logros alcanzados.

Para alcanzar este obxectivo o plan **eduemprende** incorpora un conxunto de actuacións estruturadas en catro eixos estratéxicos: sensibilización e motivación, capacitación emprendedora, fomento e apoio da empresariedade e coordinación e aproveitamento de iniciativas. O programa Lanzadeiras Coruña, atendendo aos seus obxectivos e características, abarcaría os dous primeiros eixos xa que desenvolve accións que fomentan a cultura emprendedora motivando e impulsando no alumnado habilidades para o emprendemento.

O espírito emprendedor é un dos motores principais da innovación, a competitividade e o crecemento da economía. Desde hai anos, observouse unha correlación positiva e sólida entre o fomento do espírito emprendedor e os resultados económicos en termos de crecemento, supervivencia de empresas, innovación, creación de emprego, cambio tecnolóxico e incremento da produtividade.

A Consellería de Educación, Universidade e Formación Profesional quere impulsar iniciativas e proxectos innovadores que fomenten a educación emprendedora a través de proxectos que impliquen a colaboración dos equipos docentes, a dinamización da comunidade educativa e a conexión co entorno, todo isto potenciando as capacidades profesionais e persoais do alumnado.

Esta acción establécese dentro dun ámbito de colaboración entre a Consellería de Educación, Universidade e Formación Profesional e a Fundación Alcoa para promover o espírito emprendedor así como para favorecer o desenvolvemento das calidades persoais tales como a creatividade, a iniciativa, a asunción de riscos, a responsabilidade e a innovación.



De acordo co anteriormente exposto, esta dirección xeral,

DISPÓN:

### **Artigo 1. Obxecto da convocatoria.**

Esta resolución ten por obxecto convocar o programa Lanzadeiras Coruña dirixido á creación de miniempresas educativas en centros públicos de ensino non universitario dependentes da Consellería de Educación, Universidade e Formación Profesional na comarca da Coruña durante o curso escolar 2018/2019.

### **Artigo 2. Destinatarios.**

Alumnado de 6º de primaria, 1º, 2º, 3º e 4º de ESO, Bacharelato e Formación Profesional de centros educativos públicos dependentes da Consellería de Educación, Universidade e Formación Profesional na comarca da Coruña.

### **Artigo 3. Definición do programa.**

O programa Lanzadeiras Coruña ten a finalidade de promover a innovación e o emprendemento en todas as etapas do sistema educativo co obxectivo de potenciar as competencias profesionais, sociais e persoais do alumnado. Trátase dun programa que busca un avance no desenvolvemento do espírito emprendedor no alumnado favorecendo a adquisición de hábitos e condutas emprendedoras.

Con este programa preténdese lograr os seguintes obxectivos:

1. Transmitir a cultura emprendedora ao alumnado da comarca da Coruña.
2. Concienciar ao alumnado da opción profesional “por conta propia”.
3. Proporcionar ao alumnado unha formación específica e práctica sobre como pór en marcha unha empresa.
4. Promover o desenvolvemento de calidades persoais relacionadas co espírito emprendedor.
5. Inculcar a cultura emprendedora desde as etapas iniciais da ensinanza.
6. Organizar actividades baseadas na aprendizaxe a través da práctica incidindo nas habilidades e destrezas do alumnado.
7. Fomentar activamente a creación de miniempresas educativas nos centros reproducindo de forma realista o funcionamento das empresas.
8. Sensibilizar á comunidade educativa da importancia de construír e fomentar unha nova cultura emprendedora.
9. Dar a coñecer á sociedade este tipo de actuacións.

O profesorado que participe no programa Lanzadeiras Coruña contará co apoio e asesoramento de persoas expertas.

### **Artigo 4. Candidaturas.**

1. Os centros solicitantes presentarán unha solicitude por proxecto.



2. No caso de presentar máis dun proxecto, os centros enviarán unha solicitude por cada un deles.
3. Un docente do centro solicitante asumirá as funcións de coordinador do proxecto, co fin de asegurar o contacto e a comunicación regular entre os participantes, promover unha colaboración eficaz e facilitar a distribución e realización do traballo en equipo.

#### **Artigo 5. Prazo de presentación.**

1. As solicitudes para participar na presente convocatoria presentaranse no prazo de vinte días naturais a partir do día seguinte ao da publicación desta resolución na páxina web da Consellería de Educación, Universidade e Formación Profesional <http://www.edu.xunta.es/fp>
2. Os centros participantes deberán enviar a súa solicitude, segundo o modelo que figura no Anexo I, xunto coa descrición do proxecto, ao seguinte enderezo: [eduemprende@edu.xunta.es](mailto:eduemprende@edu.xunta.es). Indicarase no asunto Programa Lanzadeiras Coruña.
3. Unha vez rematado o prazo de presentación de solicitudes publicarase a listaxe de proxectos aprobados na páxina web da Consellería de Educación, Universidade e Formación Profesional: <http://www.edu.xunta.es/fp/eduemprende-lanzadeiras>

#### **Artigo 6. Documentación.**

Para participar neste programa é necesario presentar a seguinte documentación:

1. Solicitude, segundo o modelo de Anexo I.
2. Descrición do proxecto seguindo os apartados establecidos no Anexo II. A extensión máxima será de 20 páxinas, en formato DIN A4, letra Arial tamaño 12 e interliñado sinxelo. Os proxectos deberán estar redactados en galego.

#### **Artigo 7. Desenvolvemento do programa.**

O programa Lanzadeiras Coruña desenvolverase atendendo ás seguintes fases:

1. Presentación de solicitudes segundo se recolle no artigo 4.
2. Comunicación e publicación dos proxectos aprobados nesta convocatoria.
3. Formación do profesorado implicado nos proxectos.
4. Asesoramento ao profesorado implicado nos proxectos durante toda a duración do proxecto.



5. Desenvolvemento do proxecto nos centros educativos dende a data de publicación dos proxectos aprobados.
6. Entrega de memorias ata o 15 de xuño de xuño de 2019.
7. Concurso miniempresas participantes no programa Lanzadeiras.
8. Clausura do proxecto e exposición das miniempresas en xuño de 2019.

#### **Artigo 8. Comisión de selección.**

1. Unha vez pechado o prazo de solicitude de participación a comisión de selección avaliará os proxectos presentados segundo os criterios que figuran no artigo 9.
2. A Comisión de Selección estará integrada polos seguintes membros:
  - A persoa titular da Subdirección Xeral de Formación Profesional que actuará como presidente/a.
  - Xefe/a de servizo da Subdirección Xeral e Formación Profesional.
  - Coordinador/a de emprendemento da rede de Centros Integrados de Formación Profesional.
  - Unha persoa asesora da Subdirección Xeral de Formación Profesional que actuará como secretario/a con voz pero sen voto.

#### **Artigo 9. Criterios de valoración.**

Para a valoración dos proxectos teranse en conta os seguintes criterios ata un máximo de 10 puntos.

1. Carácter innovador do proxecto. (2 puntos)
2. Implicación de diferentes áreas, materias ou módulos. (2 puntos)
3. Planificación e viabilidade do proxecto. (2 puntos)
4. Plan de difusión. (2 puntos)
5. Plan de avaliación do cumprimento dos obxectivos establecidos no proxecto. (2 puntos)

#### **Artigo 10. Dotación orzamentaria.**

Os proxectos seleccionados serán obxecto de financiamento con cargo á achega da Fundación Alcoa. O orzamento do proxecto non superará os 2.000 euros.



### **Artigo 11. Resolución.**

1. A comisión de selección, unha vez valorados os proxectos presentados, realizará unha proposta de resolución desta convocatoria, que elevará ao Director Xeral de Educación, Formación Profesional e Innovación Educativa, quen ditará resolución.
2. A resolución de aprobación dos proxectos de miniempresas publicárase na páxina web: <http://www.edu.xunta.es/fp/eduemprende-lanzadeiras>

### **Artigo 12. Pagamento.**

1. O importe da achega económica será transferido nun pago único ao centro educativo participante. Os proxectos seleccionados recibirán un aporte económico que poderá ser inferior ao orzamento presentado.
2. Os gastos teñen que imputarse na súa totalidade antes do 15 de xuño de 2019.

### **Artigo 13. Desenvolvemento e xustificación.**

1. O desenvolvemento do proxecto deberá realizarse durante o curso académico 2018/2019.
2. O centro educativo participante remitirá á Dirección Xeral de Educación, Formación Profesional e Innovación Educativa (ata o 15 de xuño de 2019) a memoria final cos apartados que se indican no Anexo III.
3. A non entrega da memoria final do proxecto no prazo indicado poderá ser causa de revogación das cantidades asignadas, debendo proceder ao reintegro da cantidade percibida, sen prexuízo das responsabilidades que se lle poidan exixir.
4. As memorias enviaranse por correo electrónico ao seguinte enderezo: [eduemprende@edu.xunta.es](mailto:eduemprende@edu.xunta.es). Indicarase no asunto Memoria Programa Lanzadeiras Coruña.

### **Artigo 14. Certificación.**

Os proxectos presentados serán recoñecidos pola Administración Educativa como actividades de innovación educativa, cunha equivalencia de 30 horas de formación permanente do profesorado para o profesorado coordinador e 20 horas para o profesorado colaborador.

### **Artigo 15. Compromisos dos centros educativos seleccionados coa Consellería de Educación, Universidade e Formación Profesional.**

1. Os centros participantes comprométese a colaborar nas accións de difusión e publicación das experiencias que se organicen, así como a cesión a favor da



Consellería de Educación, Universidade e Formación Profesional dos dereitos de edición e difusión.

2. O seguimento dos proxectos poderá incluír visitas aos centros polo persoal que determine a Dirección Xeral de Educación, Formación Profesional e Innovación Educativa.



## ANEXO I

### SOLICITUDE DE INSCRIPCIÓN

DATOS DO CENTRO EDUCATIVO					
Nome do centro		Código do centro		CIF	
Enderezo		C.P	Localidade	Concello	Provincia
Teléfono		Fax		Enderezo electrónico	
Profesor/a coordinador/a		Teléfono de contacto		Enderezo electrónico de contacto	
Número de alumnos/as participantes		Curso		Áreas/materias/módulos	
Profesor/a colaborador/a					
Sinatura do director/a do centro solicitante			Sinatura da persoa coordinadora		
Lugar e data					



## **ANEXO II**

- Nome da miniempresa
- Breve definición
- Obxectivos
- Fases
- Proxecto de orzamento
- Selección dos participantes
- Organigrama
- Avaliación
- Participación da comunidade educativa
- Difusión da proxecto





## **ANEXO III**

### 1.- Presentación da miniempresa

- Nome da empresa
- Forma xurídica
- Data de constitución
- Sector da actividade
- Breve resumo

### 2.- Actividades realizadas

- Organización e desenvolvemento

### 3.-Resultados obtidos

- Relación dos resultados e valoración dos mesmos

### 4.- Xestión económica

### 5.-Conclusións